

金史紀事本末

金史紀事本末卷三十五

馳封資政大夫特賞內閣中書前江西峽江訓導萍鄉李有棠編纂

李妃干政

胥持國事附

章宗明昌五年春正月乙丑昭容李氏進位淑妃李氏名師兒其家有罪没入宮籍監父湘母王盼兒皆微賤太定末以監戶女子入宮是時宮教張建教宮中師兒并諸宮女皆從學故事宮教以青紗隔障蔽內外不得見面有不識字及問義皆自障內映紗指字請問宮教自障外口說教之諸女子中惟師兒易爲領解建不知其誰但識其聲音清亮章宗嘗問建

宮教中女子誰可教者建對曰就中聲音清亮者最

可教章宗以建言求得之

攷異元好問中州集建字吉甫蒲城人明昌初舉才

行授絳州教官召爲宮教應奉翰林文字出同知華

州防禦事道陵賜詩有從今畫錦蓬峯下三樂休誇

榮啟期士林榮之自號蘭泉老人有集行世見本傳

又有毛宮教麾字牧達平陽人大定中舉學行賜進

士授校書郎入教宮掖終同知沁州軍事有平水集

行世朱宮教瀾字巨觀學問該洽大定末進士應奉

翰林文字終於待制以嘗入教宦者梁道譽師兒才

宮掖故集中多宮詞史皆未載

美勸章宗納之章宗好文辭妃性慧黠能作字知文

義允善伺候顏色迎含旨意遂大愛幸明昌四年封

爲昭容至是進淑妃

攷異劉祁歸潛志云世言李氏姿色不甚麗其盛時不減楊貴

妃家然止於奢縱不能蠹政害民也畢沅續通鑑云

元妃嘗遣人以皂幣易內藏紅幣左藏庫副使高竑

邊明亦見金臺集藝林伐山云章宗宮中以張過屬
香小御園爲畫眉墨徐昌祚燕山叢錄云宛平西齋
堂村產石黑色而性不堅磨之如墨金時宮人多以
畫眉名曰眉石又曰黛石按西苑之太液池瓊華島
爲金明宮中萬甯宮西園遺蹟乃有明別館所在至
今時大內當在今廣甯右安門外居庸去北京九十
里關中有峽曰彈琴道旁有石曰仙枕兩崖峻絕層
巒疊翠薊門在舊城西北隅門外舊有樓館行人多
賦詠今只二土阜樹木蒼翠西山來自太行上干霄
漢值大雪初霽凝華積素若圖畫章宗西山八院其
一曰清水院卽今大覺寺在黑龍潭北十五里見劉
侗帝京景物畧素園石譜云西山與天壽山相接其
石精巧人常以此充英石似玉有符采嬰帶所謂燕石
海經注云燕山多嬰石似玉有符采嬰帶所謂燕石
也蘆溝本桑乾河卽渾河在都城西南四十里有石
橋上刻石獅形狀奇巧明昌間所造金臺有三處並
在易州易水東南爲燕昭師事郭隗處金人慕
之而築此臺今在舊城內均見日下舊聞考

承安四年冬十二月進封淑妃李氏爲元妃先是追

贈妃父湘上柱國隴西郡公祖父曾祖父皆追贈兄

喜兒嘗爲盜與弟特爾格

攷異劉祁歸潛志作帖哥汪輝祖金史同名錄云卷

十五宣宗興定元年河間招撫使姓移刺氏卷九十

一移刺成傳把羊族都管姓趙氏卷一百三東北招

討使姓完顏氏卷一百二十二溫迪皆擢顯近喜兒

罕老兒傳萬奴子五人同名鐵哥累官

宣徽使安國節度使特爾格勢傾朝廷風采動四方

歷近侍局使少府監見如傳勢傾朝廷風采動四方

射利競進之徒爭趨走其門南京李炳中山李著與

通譜系超取顯官

攷異劉祁歸潛志云炳官按察著官翰林皆與如家結爲親獨李懷

川晏辭不肯如傳未載晏事晏傳字致美高平人皇

統六年經義進士歷御史中丞遼以良民爲上稅戶

錦州龍宮寺僧橫尤甚訴者害之島中晏奏免者六

百餘人年老以禮部尙書昭義節度致仕卒諡文簡

元好問中州集云與興陵有蒲邨之舊召入翰林爲

學士高文大冊號稱獨步子仲畧大定中進士均有

金史紀事本末

卷三十五

三

集行世詳衛王遇害註中著字彥明真定人承安二年經義第一人官翰林遷彰德府治中城陷不屈死顧奎光金詩選載李晏高麗平州中和館後草亭詩云藤花滿地香仍在松影拂雲寒不收山鳥似嫌游客到一聲啼

胥持國附依以取宰相怙財固位上下

紛然知其姦蠱不敢擊之雖擊之莫能去也

致異姬端修傳

字平叔汝州人本姓宗氏避睿宗諱改大定中進士承安初官御史上書乞遠小人帝問小人爲誰對曰李仁惠兄弟仁惠喜兒賜名也喜兒不敢隱具奏之上雖責之而不能去也歷大理丞謂執中言事涉私解職卒官節度副使董師中傳時帝問端修言小爲誰師中曰應謂李喜兒輩與端修傳異又圖克坦鑑傳時淑如擅寵烈風昏曠連日鑑官平章上疏諫切中時弊不能行帝問漢高光孰優鑑曰光武在位久無沈湎冒色之事高祖惑戚姬卒致亂由是言之光武優帝知其諷諫默然元好問中州集德州教授田庭芳上書言近臣怙寵帝問紹祖近臣爲誰紹祖指喜兒史不載田庭芳名或闕書紹祖係董師中守

又云端修一字伯正衛王避世宗諱改卒官全州節
度副使姪孫汝作守汝州殉難顧奎光金詩選載端
修漫書詩云冷面宜教冷眼看只慙索米向長安陰
崖何限枯松樹望見屏幃盡牡丹續通考云時太宗
諸子宗本等皆因
避諱加山爲崇
赫舍哩執中貪愎不法章宗知其

跋扈而屢斥屢起卒亂天下自欽懷皇后崩

本傳富察氏上

京和碩河人祖名阿胡迭與迪姑迭傳其父胡論水
部長姓溫迪罕者同名父鼎壽尙熙宗女鄭國公主
贈太尉越國公后初爲夫人進爲如風儀粹穆知讀
書爲文追册爲后攷異續通考云蒲察鼎壽易速河
人沈厚有明鑑通契丹漢字長吏事大定中歷外任
有惠政世連姻戚女爲皇后長子辭不失凡尙定國
景國道國三公主不以勢力驕人稱爲外戚之冠云
又唐括德溫本名阿里上京率河人父撻懶尙康宗
女德溫尙睿宗女楚國長公主官大名尹封道國公
蒲察阿虎迭尙海陵姊遼國長公主卒繼尙鄧國長
公主歷尙書節度封楚國公徒單公弼本名習烈河
北東路人尙世宗女息國公主官平章定國公諡愿

金史紀事本末

卷三十五

四

恪其父府君奴尙熙宗女唐括貢本名遠歌大傅阿
里子尙世宗女吳國公主官樞密肅國公又金時徒
單照至曾孫釋
凡四世尙主
中宮虛位久意屬李氏故事皆圖克

坦唐古富察納喇布赫舍哩烏凌阿烏庫哩諸部長

家娶后尙主而李氏微甚又大臣臺諫持不可

攷異畢沅

續通鑑云張萬公傳謂御史姬端修論淑妃帝怒杖
之七十御史大夫張暉侍御史路鐸坐降官然端修
被杖非因論淑妃暉鐸
削官亦不因李氏也乃進位元妃而勢位熏赫與

皇后侔矣

攷異大金國志云宸妃者南宋華原郡王鄭居中曾孫女因內侍江淵江從一季璉

言納之集慶宮中甚嬖之時酣醉日昃不視朝三省
黃案委令裁決坐膝上批答詔旨淵時餘資玩與相
結改姓鄭時愛王叛亂如執孟勸酒歌解愁向主益
悅起芳華閣爲長夜飲奏報不時聞及會宵失平灤
陷皆不知因謝世雲等言始駭完顏世卿曰太宗討
趙氏携三千口來今日亂國家者皆是其女孽此天

也又云永安三年春主幸蓬萊院陳玉器玩好歎識
多宣和物主惻然動色宸如進曰作者未必用者
未必作宣和作此爲陛下用耳嘗與主同輦過御龍
橋見白石如雪愛之歸白主輦至築岩洞於芳華閣
用工二萬人牛馬七百乘道相望會是冬賞菊於
東明園見屏間畫宣和艮嶽問內侍余琬對曰宣和
帝運東南花石築艮嶽致亡其國先帝命圖之以爲
戒妃怒曰宣和之亡不緣花石乃用童貫梁師成故
爾蓋譏琬也本傳未載又析津志云京師南城外三
十里有葆台故老相傳明昌時李妃避暑之台無碑
志有寺甚壯麗乃故京藥師院之支院也朱彝尊日
下舊聞云宋顯夫南城俚歌十首其一四有停驂惆悵
聖安寺後堂空祀李宸如之句元一統志云大聖安
寺在舊城按寺記金天會中佛覺大師瓊公晦堂大
師俊公自南應化而北道譽日尊皇統初賜名大延聖
金錢數萬爲營繕費成大法席皇統初賜名大延聖
寺大定三年命晦師主其事內府出重幣以賜焉六
年新堂成崇五仞廣十筵輪奐之美爲都城冠八月
朔作大佛於寺以落成七年二月改額爲大聖安寺
又宋牧仲詩注聖安寺在柳湖村旃檀佛嘗飛至寺

中元學士程鉅夫有記周質析津日記聖安寺金元
舊碑無一存者向有金世宗章宗李宸妃像今皆無
之殿前怪柏已盡地名東湖柳村後圯明正統中復
修易名普濟寺今殿前只存明碑二一慈仁寺沙門
德慶撰通政司參議廣陽趙昂書成化末立石一上
谷參軍張壽民撰江西道監察御史徐圖書萬曆中
立石又西山隆教寺西越澗有長嶺嶺半有章宗看
花台台畔有古松一株兒孫承澤春明夢餘錄附錄
諸表臣聖安寺旃檀佛像刻石記畧自古靈像頗多
惟優填王旃檀像其傳最遠按佛以周昭王二十四
年甲寅誕聖西域五十二年壬申入滅佛成道之後
嘗升切利爲母氏說法數月未還時優填王以久潤
瞻依迺刻旃檀佛像聖表以於翹想之懷目捷連慮
有缺謬以神力攝三十二匠升天諦觀相好三返乃
得其真既成王與國人若與神對及佛復降人間王
率臣庶往迎佛其像升空謁佛佛爲摩頂記曰我滅
度于年後爾往震旦國大興佛化佛滅于二百八十
餘年始自西域至龜茲六十八年東至涼州一百八十
年至長安一十七年復至江南二十一年北至汴京百七
三百一十七年復至江南二十一年北至汴京百七

十六年北至燕京居聖安寺一十二年又北徙上京
二十八年復至燕京居於內殿五十四年會舊內火
復遷居聖安一十九年詔迎入萬歲山安置仁智殿
六年當己丑之歲詔迎入大聖壽萬安寺處於後殿
計自復填王像刻之初至泰定乙丑凡二千三百餘
歲矣萬歷己丑僧通月重刻於石見日下舊聞考

泰和二年秋八月丁酉皇子德里

一作生初欽懷后

及如姬嘗有子或二三歲或數月卽夭

攷異宏簡錄云資明夫人

林氏生荆王洪靖諸姬生榮王洪熙英王洪衍壽王
洪輝皆天續通考云章宗長子洪裕三歲卒明昌三
年追封絳王宗室表章宗子六洪裕釋王洪靖本名
阿古刺原作阿虎懶荆王洪熙本名鄂特藏布原作
幹魯不榮王洪衍本名薩哈原作撒改英王洪輝本
名頤琳原作訛諭壽王德里原作忒隣葛王凡六人
所載承安五年帝以繼嗣未立禱祀太廟山陵太府
各異

少監張汝猷奏乞親行祀事後遣近臣詣諸岳觀祈

禱命完顏匡往亳州禱太清宮至是元妃生德里宴
五品以上於神龍殿六品以下宴於東廡詔平章圖
克坦鎰報謝太廟右丞匡報謝山陵既彌月詔賜名
封葛王 冬十二月以皇子生滿三月勅放僧道度
牒三千道攷異章宗紀十二月癸酉以皇子
子晬日放僧道戒牒三千稍異設醮元真
觀祈福丁丑御慶和殿浴皇子詔百官用元旦禮儀
進酒稱賀五品以上進禮物攷異盧璣傳字正甫彦
倫子官左宣徽使時元
妃李氏生皇子滿三月章宗以璣年七十老
而康強命以所策杖爲洗兒禮物紀未載生凡二
歲而薨八年承御賈氏及范氏皆有娠未及乳月章
宗已得嗽疾頗困時衛王永濟來朝章宗於諸父中

最愛之欲使嗣立語在衛王事中衛王朝辭章宗力疾與擊毬謂曰叔父不欲作主人遽欲去耶元妃在旁謂帝曰此非輕言者十一月乙卯章宗大漸衛王未發元妃與黃門李新喜議立衛王使內待潘守恒召之守恒曰此大事當與大臣議遂使召平章匡匡顯宗侍讀最爲舊臣有征伐功至則與定策立衛王丙辰章宗崩遺詔曰朕之內人見有娠者兩位如其中有男當立爲儲貳如皆是男擇可立者立之

衛紹王大安元年春二月壬辰章宗內人范氏損其遺腹詔內外曰章宗皇帝以重器畀眇躬遺旨謂掖

廷內人有娠者兩位如得男則立爲儲貳申諭多方
皎如天日朕雖涼菲實受付託思克副於遺意每曲
爲之盡心擇靜舍以避居俾懿親而守視欽懷后母
鄭國公主及乳母蕭國夫人晝夜不離昨聞有爽於
安養已用軫憂而弗寤爰命大臣專爲調護今者平
章布薩端左丞孫卽康奏言承御賈氏當以十一月
免乳今則已出三月來事未可度知范氏產期合在
正月而太醫副使儀師顏言自年前十一月診得范
氏胎氣有損調治迄今脉息雖和胎形已失及范氏
自願於神御前削髮爲尼重念先皇帝重屬大事豈

期聞此深用怛然今范氏既已有損而賈氏猶或可
冀告於先帝願降靈禧默賜保全早生聖嗣尙恐衆
庶未究端由要不匿於播敷使咸明於吾志 夏四
月庚辰殺章宗元妃李氏及承御賈氏以完顏匡爲
尙書令詔曰近者有訴李氏潛計負恩自泰和七年
正月章宗嘗違豫李氏與新喜竊議爲儲嗣未立
欲令宮人詐作有孕計取他兒僞稱皇嗣遂於年前
閏月十日因賈承御病嘔吐腹中若有積塊謀令賈
氏詐稱有身俟將臨月於李家取兒以入月日不偶
則規別取以爲皇嗣值帝崩謀不及行當先帝彌留

之際命平章匡都提點中外事務明有敕旨我有兩宮人有孕更令召平章左右並聞斯語李氏并新喜乃敢不依敕旨欲喚喜兒特爾格事既不克竊呼提點近侍局烏庫哩慶壽與計因品藻諸王議復不定知近侍局副使圖克坦札克繖原作徒單張僧遣人召平章已到宣華門外始發勘同平章入內一遵遺旨以定大事方先帝疾危數召李氏不到索衣亦不卽來猶與其母私議先皇平昔或有幸御李氏嫉妬令女巫李定奴作紙木人鴛鴦符以事魘魅致絕聖嗣所爲不軌莫可殫陳事旣發露遣大臣按問具伏使宰臣

往審亦如之有司議法當極刑以爲久侍先帝欲免其死王公百僚執奏堅確令賜李氏自盡王盼兒李新喜各正典刑喜兒特爾格如律追除復係監籍安置遠地諸連坐並依律行承御賈氏亦賜自盡或謂完顏匡欲專定策功構致如此

攷異布薩端傳時與孫卽康護視章宗內

人育娠者已而有人告李氏賈氏事並坐誅端得爲右丞相本名齊勤中都路人贈延安郡王諡忠正續通考謂爲忠義子疑有悞自後不復稱元妃但呼李師兒云

宣宗貞祐元年秋閏九月丙戌詔降故衛王爲東海郡侯詔曰大安之初頒諭天下謂李氏令賈承御虛稱有身各正罪法朕惟章宗聖德聰明豈容有此欺

給近因集議武衛軍副使兼提點近侍局完顏達霍
王傅大政德皆言有寃此時達職在近侍政德護賈
氏所以知之朕親臨問左證其事曖昧據當時被罪
貶責者可俱令放免還家由是李氏家族皆得還

同時胥持國字秉鈞代州繁峙人經童出身

攷異續通考云

金制經童凡士庶子年十三以下能誦二大經三小
經又誦論語諸子五千字以上府試十五題通十三
以上會試每場十五題三場共通四十一以上爲中
選所貴在幼而誦多者若年同則以誦大經多者爲
最皇統末詔開童子舉取至百二十二人天德時廢
之章宗立復置明昌三年平章完顏守貞乞約數取
之參政胥持國請中選者加修舉業勿遠登仕途能
擢進士第同進士任用凡舉不中者方從本科出身從
之五年勅神童三次終場同進士恩榜遷轉每舉放
四十人天會中東平童子劉天驥七歲能誦論孟五

經明昌初益都童子劉住兒十一歲能詩賦誦大小
六經行草有法孝行夙成上召試鳳凰來儀賦魚在
藻詩及早詩賜本科出身其後稱神童者五人太原
常添壽四歲能作詩劉滋劉微張漢臣後皆無聞獨
易州麻九壽三歲識字七歲能草書作大字趙秉文
目爲徵君而不名又易州張元素八歲試童子舉所
載甚詳調博野縣屬保

丞授太子司倉轉掌飲令太子

識之擢祇應司令章宗立除宮籍副監賜庫錢五十

萬宅一區俄改同簽宣徽院事工部侍郎兼領宮籍

監閱三月遷尙書使宋明昌四年拜參政賜孫卽康

榜下進士及第會河決陽武持國請督役遂行尙書

省事明年進右丞爲人柔佞有智術初李妃起微賤

得幸於帝持國久在太子宮知帝好色陰以祕術干

之多賂如左右用事人如亦自嫌門第薄欲藉外廷

為重乃數譽持國能由是大為帝所信任與如表裏

筦攝朝政誅鄭王鎬王黜完顏守貞等事皆起於李

如持國士之好利躁進者皆趨走其門下四方為之

語曰經童作相監女為如惡其鄙賤也攷異薛應旂通鑑云翰林

趙秉文上書劾奏主召問語頗差異命內族膏鞠之

遂引王庭筠等并下獄被斥秉文傳庭筠外尚有御

史周昂省令史潘豹鄭贊道高坦共五人劉祁歸潛

志云秉文由外官為庭筠所薦入翰林上言進君子

退小人帝召問為誰對以君子為守貞小人為持國

詰問何以知之趙惶迫曰朝論如此因收庭筠等下
吏各貶官杖七十時語有不攀欄檻只攀人之句元
好問中州集載庭筠獄中二詩賦萱云沙麓百戰場
為鹵不敏樹况復幽園中萬古結愁霧寸根不擇地
於此生意見其婆娑綠雲杪金鳳擊未去晚雨沾濡之

向我泣如訴忘憂定漫說相對清淚雨見燕云笑我
迂疏獨禍機嗟君底事入園扉落花吹濕東風雨何
處茅簷不可飛周昂字德卿真定人沁南節度伯祿
子年弱冠擢第歷台省爲人所擠竟坐詩得罪謫海
上復入翰林言事愈切出佐三司從承裕軍上谷城
陷與從子嗣明同死於難未載爲秉文所累事本傳
同昂有送李天英下第詩云不須寂寞恨東歸洗眼
三年看一飛試捲波瀾入毫穎莫教歐九識劉幾天
英名經錦州人作詩極刻苦不蹈襲前人李純甫稱
爲今太白再舉不第莫知所終見本傳顧奎光金詩
選載周昂詩四首其夜步云擊柝却居靜閉門宿鳥
驚西風秋半急北斗夜深明獨立乾坤大徐行杖履
輕遙憐漢宮闕
承安三年臺臣劾奏右司諫張復亨
重露濕金莖

右拾遺張嘉貞同知節度使事趙樞張光庭戶部主

事高元甫刑部員外郎張巖叟省令史傅汝梅張翰

裴元郭乳皆趨走權門人謂爲胥門十哲

攷異續通考云十人

均爲御史臺臣

復亨嘉貞尤卑佞苟進不稱諫職俱宜黜罷

於是持國以通奉大夫致仕嘉貞等皆補外久之起

知大名府事未行改樞密副使

攷異續綱目云九佐月起官參知政事

樞密襄治軍北京一日帝召修撰路鐸問以他事語

及董師中張萬公優劣鐸曰師中附持國進持國姦

邪小人不宜典軍馬不惟不允人望亦不能服軍心

若回日再相必亂天下

鐸傳字宣叔伯達子明昌中爲右拾遺諫幸景明宮上書

請復用守貞乃入拜平章郝忠愈獄起事涉鑄王疏

奏寬解上意言切直得召對言宰相權太重均銜之

劾參政楊伯通引李浩謂以公器結私恩終孟州防

禦使貞祐初城破投沁水死剛正有直臣風伯通字

吉甫宏州人元好問中州集云宣叔冀州人文尤奇

詩精微溫潤自成一家有處方居士集得之鄉人劉

庭幹家弟鈞字和叔亦有重名第進士終萊州判官
父伯達字仲顯正隆五年進士仕終武安節度使國
史有傳顧奎光金詩選載鐸七夕詩云秋香鴻月笑
談香飲散歸來夜未央關角星河搖淡影柳行燈火
試新涼雄飛動業歸時輩信美江山著漫
郎萬事浮雲心鐵石休將梁國嚇蒙莊
帝頷之尋
死於軍中諡曰通敏子鼎張萬公曰持國已死其爲
人竟何如對曰持國素行不謹如貨酒樂平糶好利
可知主曰此非好利如馬琪鸞省醞乃爲好利也紀

載本

金史紀事本末卷三十六

賜封資政大夫 特賞內閣中書前江西峽江訓導萍鄉李有棠編纂

鎬王鄭王之殺

世宗二十九年春正月癸巳章宗卽位夏閏五月丙

子進封趙王永中爲漢王賜修公廨錢三百萬特加

其子實古納

原作石古乃

銀青榮祿大夫阿里罕

原作阿商合懣

奉國上將軍初世宗明德皇后

攷異后傳本諡昭德因有司奏太祖諡有

昭德字乃改明德

生顯宗趙王蘇尼

原作孰輦

越王薩勞勒

原作斜魯

二王皆早卒元妃張氏生永中及越王永功元妃李

氏生鄭王永韜衛王永濟潞王永德梁昭儀生豫王

永成石抹才人生夔王永升永中本名薩喇勒

原作實魯

刺

又名萬僧大定元年封許王改封趙累官樞密使

判太宗正事十九年改葬明德皇后於坤厚陵永中

母元妃張氏陪葬十一月庚申自磐甯宮發引永中

以元妃柩先發使執黃繖者前導俄頃皇后柩出顯

宗徒跣少府監張謹言

攷異宏簡錄作張謹言

呼執黃繖者不

應既葬謹言欲奏其事顯宗解之乃止

攷異續通考云大定九年

五月尚書省奏越王永中隋王永功二府有所興作

宜發役夫上曰朕見宮中竹有枯瘁者欲令更植恐

勞人而止二王府各有引從人力又奴婢甚多何得

更役百姓爾等但以例爲請海陵橫役無度可盡爲

例耶自今在都浮役久爲例者仍舊

二十四年世宗

餘皆官給傭直重者奏聞紀未載

幸上京留顯宗與永中居守二十五年顯宗薨於中

都召永中赴行在加開府儀同三司

攷異宏簡錄云明年復爲樞密

使賜諸子名石古乃曰瑜神土門曰璋阿思懣曰玘

阿離合懣曰琢汪輝祖金史同名錄云卷八世宗紀

大定二十一年定州刺史卷九十一

溫迪罕移

室懣傳大定初輔國上將軍三人同名阿思懣

至是

章宗立起復判西京留守進封漢王

攷異后妃傳太子薨永中行次

最長圖克坦克寗勸世宗立章宗爲太孫世宗嘗曰克寗與永中有親而建議立太孫眞社稷臣也紀未

載

章宗明昌二年春正月辛酉孝懿皇太后崩吳王永

成隋王永升奔喪後期皆罰俸一月杖其長史五十

永中適有寒疾不能至帝怒頗意諸王有輕慢心遣

使責承中曰已近公除亦不須來二月承中始入臨
行歲飯禮及朝辭與諸王并賜遺留物而嫌忌自此
始夏四月甲午改封并王

三年以承中判平陽府事進封鎬王初置王傅府尉
官名曰官屬實檢制之也

攷異章宗紀作
二年二月事

府尉希望

風旨過爲苛細承中自以世宗長子且老矣動有掣
制情思鬱鬱乃表乞閒居詔不許

四年冬十二月戊戌鄭王永蹈以謀逆誅增置諸王

司馬一員檢察禁防河東提刑判官伯勒赫

原作把
里海攷

異畢沅續通鑑
作巴哩哈私謁承中杖解其職前近侍局副使費

摩克爾森

原作裴滿可孫攷異畢沅續通鑑作費摩克斯

受永中屬爲實古

納求除官坐免

五年冬十月庚戌故尙書右丞張汝弼妻高托噶

原作

高陀

以謀逆伏誅汝弼者元徵子永中母舅其妻高

托噶屢以邪言怵永中自大定間畫永中母張妃像

奉之甚謹挾左道爲永中求福希冀非望至是坐詛

祝誅事連汝弼以死後事覺得不追削官爵

攷異汝弼傳字

仲佐彰德節度使元素兄正隆二年第進士歷官左丞罷爲廣甯尹卒妻張氏與世宗母貞懿皇后有屬世宗納元徵女爲次室曰元妃生永中所載較詳帝疑事在永中未有以發

也

六年夏五月乙未判平陽府事鎬王永中以罪賜死
并及二子詔中外時鎬王傅尉奏其第四子阿里罕

因防禁嚴密語涉不遜詔同簽大睦親府事膏

攷異永中

傳作章云郭本字也原本訛

御史中丞孫卽康

本傳字安

伯大興人大定十年進士由令史歷泰寧節度章宗

議置相張萬公等薦卽康且言卽康及第在賈鉉前

帝曰用相安問榜次朕意謂鉉才可用也卒相卽康

拜參政歷左右丞衛王立進平章封崇國公鉉字鼎

臣博平人第進士官參政與黨懷英刊修遼史出知

濟南府卒黨懷英傳與治中郝僕充遼史刊修官伊

喇益趙灝等七人為編修官遷學士章宗後

乃令陳大任繼成遼史焉未列鉉名稱異

鞫問并

得第二子質圖美

格首永中嘗與侍妾瑞雪

攷異孫卽康傳作瑞雲

且云是獄天下寃之

我得天下子爲大王以爾爲妃遣官覆按狀同命禮

部尙書張曄

本傳字明仲日照人正隆五年進士博學該通卒官安武節度使

兵部

侍郎烏庫哩慶壽覆之帝謂鎬王祇以言語得罪與

丞蹈異參政馬琪以爲人臣無將左丞相清臣謂素

有妄想之心詔集百官議均請如律惟宮籍監丞盧

利用乞貸其死

攷異后妃傳平章守貞持其事不肯決帝怒罷知濟南府事丞中爲未職

詔不許丞中遂死二子皆棄市用國公禮收葬官給

葬具妻子減州

地理志云卽陘山郡治并陘屬河北西路攷異續通考云威州唐初改并

陘縣爲并州等省宋置天威軍金天會初以并陘縣升爲威州陘山軍後爲刺郡領并陘一縣元加洛水

明降

爲縣安置

六月丙辰右諫議大夫賈守謙右拾遺

布薩額爾克

原作說可

坐奏對不實罷其官中丞孫郎康

右補闕蒙古呼喇右拾遺田仲禮各罰金二十斤

攷異

后妃傳賈守謙路鐸上疏欲寬解上意滋不悅皆斥外劉祁歸潛志云賈字彥亨東平人少擢第爲諫議上疏力爭鎬王獄士論直之後官左丞卒官益謙傳沃州人大定十年詞賦進士歷州郡以能稱擢左司郎中上疏諫幸景明宮入對稱旨進吏部侍郎以議衛王事解職尋改山東按察使河北轉運使入爲御史中丞改吏部尚書拜參政遷右丞以左丞致仕正大三年卒年八十三子堅卿歐鄉翔卿皆以門資入仕元好問中州集云字亨甫本名守謙避哀宗諱改有贈答史院從事詩尙佳

泰和七年春二月丁巳詔復永中王爵諡曰厲改葬

寶古納於威州

宣宗貞祐二年夏五月辛巳詔徙鎬王家屬於鄭州

三年太康縣

屬開封府

人劉全嘗爲盜入衛真

縣名屬亳州

界

詭稱愛王指實古納也全欲爲亂因假託以惑眾誘

王氏女爲妻且言其子方聚兵河北東平李甯居嵩

山

方輿紀要云在登封縣北十里爲中嶽

有妖術全邑人時溫稱甯可

論大事乃使范元書僞號召之甯至推爲國師議僭立事覺全溫甯皆伏誅

興定二年譙縣

屬亳州

孫學究私造妖言云愛王終當

奮發今匿跡民間自號劉二衛真百姓王深等皆信以爲然有劉二者出而當之遣歐榮輩結黨市兵仗署旗謀僭立事覺誅死者五十二人緣坐者六十餘

人攷異大金國志云愛王爲鄭王允蹈子名大辨封
遂寧郡王改愛王母蕭氏生時夢一人乘馬持刀
自南來云宋紹興主遣至及長以蒙人屢入寇使鎮
北邊爲大通節度使及鄭王死遂於明昌五年正月
據五國城叛命東安王瑜武定王瑤討之至桑乾爲
骨字興所敗尋復簽軍二十萬往蘇寶奴兵敗自殺
愛王懼遣何大雅赴蒙古求援連兵克大都及和龍
泰和四年卒子雄三大王葬之於冷山遂代立衛王
卽位手詔諭曰泰和猜忌兄弟失權骨肉至親化爲
仇怨誘引外敵傾危本家計王之心亦復何忍往事
已矣今宜改圖李心傳朝野雜記云愛王葛王孫始
允恭早世葛王愛其兄越王欲立之不果金主立愛
王遂謀叛爲其妻父僕散琦所逐乃以放牧會寧府
爲名居上京以叛明昌六年三月丁酉也金主三召
之不至連結契丹韃靼蒙國取慈岳等州時越王在
咸平契丹檄金人請立之爲帝金主徙王於慶陽五
月丁酉賜王死誅其家屬八十餘人惟愛王在至今
爲患琦卽承安四年來賀上生辰者按明昌六年本
朝慶元二年承安四年本朝慶元六年作此錄後按
年乃見有記虜中事者以愛王爲鄜王允恭子然鄜

王乃王璟父清熙十六年御札下沿邊諸州選其
諱甚詳昔以爲鄜王後甚誤錢大昕云愛王父子稱
兵事不載於史且志稱爲鄭王子史作鑄王子亦異
按其時元太祖尙未建元所謂大朝者何指然自明
昌後北邊屢用兵內族襄等傳但云邊事急不言首
難之人從者多契丹舊部史雖諱其事然實推之必
有愛王倡亂北邊久之病死 永中子孫禁錮自明昌
故內地姦人亦屢假其名也

至正大末凡四十年天興初詔弛禁未幾南京亦不
守云永中死前二年有鄭王永韜之事

鄭王永韜本名尼楚赫初名質古爾原作石狗兒大定十

一年封滕王進封徐二十五年加開府遷大興尹章

宗立判彰德節度使進封衛王明昌二年徙封鄭王

三年改判定武軍卽中山府縣七初崔溫郭諫馬太初與永

韜家奴畢慶壽私說讖記災祥郭諫善相慶壽以告
永韜乃召郭諫相己及妻子諫曰大王相貌非常王
如及二子皆大貴又曰大王元妃長子不與諸王比
也又召崔溫馬太初論讖記天象溫曰丑年有兵災
屬兔命者來年春當收兵得位諫曰昨見赤氣犯紫
微白虹貫月皆主丑後寅前兵戈僭亂事

攷異宏簡錄以此數

語爲馬太初所言

永韜深信之乃陰結內侍鄭兩兒伺帝起

居以崔溫爲謀主郭諫馬太初往來游說河南統軍

使布薩揆尙永韜妹韓國公主

攷異續通考載睿宗妹梁國公主亦下嫁

布薩揆云金朝公主史多不全今列其可考者太祖

女畢國公主下嫁烏古訛論太宗女鄂國公主下嫁

奪阿隣熙宗女鄭國公主嫁蒲察鼎壽第七女禧國
公主嫁徒單繹又府君奴尚熙宗女不著封號睿宗
女楚國公主嫁唐括德溫冀國公主嫁烏古論粘沒
喝海陵妹遼國公主迪鉢定國公主崔哥女弟慶宜
公主皆嫁蒲察阿虎迭世宗第一女魯國公主嫁烏
古論元忠第二女唐國公主嫁徒單思忠第四女吳
國公主嫁唐括貢第七女宛國公主嫁烏林答復定
國景國道國三公主皆嫁蒲察辭不失衛國公主嫁
蒲速烈澤國公主長樂不著所尚顯宗女鄒國公主
嫁烏古論誼邢國公主嫁僕散安貞昇國公主不著
所尚章宗女郅國公主嫁烏林答琳宣宗女溫國公
主不著所尚按金朝公主之可考者如此餘詳上卷
名號永韜謀取河南軍以爲助與妹澤國公主長樂
稍異汪輝祖金史同名錄云卷一百十四斜卯愛實
攷異汪輝祖金史同名錄云卷一百十四斜卯愛實
傳天興元年內族宿直將軍卷十七哀宗天興元年
點檢爲家奴所害卷一百十三白撒傳正謀使駙馬
大九年總領爲習顯所害國人同名長樂使駙馬
都尉富拉塔原作蒲刺視攷異卷六十一奕聘表大
定十七年延安尹蒲刺覲亦作蒲刺睹

人另一致書於揆且請婚揆拒不許結婚使者遂不敢

言不軌事永韜家奴董壽諫不聽以語同輩奴遷家
努上變時永韜在京師詔平章完顏守貞參政胥持

國尙書楊伯通知大興府事尼瑪哈鑑鞫問連引甚

衆久不能決帝怒責守貞等右丞相清臣勸速結以

安人心遂賜永韜及妃卞玉二子安春

原作按春攷
異汪輝祖金

史同名錄云卷十四宣宗貞祐三年鞏國公卷一百
十一古里甲石倫傳正大時內族賽不子三人同名

春愛新

原作
阿辛

公主長樂自盡以永韜家產分賜諸王

澤國公主財物分賜諸公主富拉塔崔溫郭諫馬太

初等皆伏誅

攷異大金國志云允韜爲世宗第六子
母趙氏性寬厚有局量時主酣飲荒政

謠云東欲行西欲飛中間一路赤垂垂我醉不醉知
不知完顏高完顏志密謀立鄭王遣其妹夫唐适蒲
刺兄察說王允之會唐适婢春英與張衛通衛爲适
所逐春英以謀告衛遂詣大興告變分兵捕下獄鄭
王及唐适蒲刺同母妹新興公主榮安公主並伏賜
死餘黨夷三族詔曰天下一家詎可窺於神器公族
三宥卒莫道於常刑非忘本根骨肉之情蓋爲宗社
安危之計亦由涼德有失睦親乃於間歲之中連致
逆謀之起恩以義掩至於重典之亟行天高聽卑殆
非此心之得已興言及此惋嘆奚窮元好問中州集
云此詔爲黨公懷英筆公制誥百年以來推第一字
世傑泰安軍奉符人宋太尉進裔孫大定十年擢進
士甲科歷官翰林學士出爲大定節度以承旨致仕
卒年七十八是夕大星殞於堂謚文獻禮部閒閒公
誌其墓稱其文似歐公詩似陶謝書法爲中朝第一
其題宋上皇扇後詩云便面團圓字點鴉天風吹墮
委塵沙燕泥庭草爭工布薩揆坐除名董壽免死隸
拙何似當年陌上花

監籍遷家奴賞錢二千貫遷五官自是諸王禁防益

密矣

攷異大金國志云事發時主與鄭宸妃張嬪好皆醉卧未興江淵以水沃面告以故乃分兵捕

獲主聽讒多疑奪黜其伯

永中於平陽章宗紀未載泰和七年詔復王封改葬

諡曰刺以衛王永濟子阿禪爲永韜後奉其祀

時下

朕追惟鄭耶誤蹈非彝藁窆原野多厯歲年怛然軫懷有不能已乃詔追復王爵備禮改葬今稽式古典

命汝爲鄭王後守其祭祀攷異阿禪賜名璪本名按辰亦作按陳卷七十三守能傳新息縣令按辰另

人 永中同母弟越王永功

攷異宏簡錄云本名宋萬又名廣孫本傳初封

越王後進越王而衛王元年冬進封

章宗時厯西京

留守判平陽府事宣宗卽位從遷汴興定五年卒諡

忠簡子璿本名福孫琳本名粘沒曷璿本名壽孫

攷異

卷一百十一撒合輦傳

累官開府封密國公

攷異宏簡錄云

字仲實一字子瑜資質簡重博學有俊才喜爲詩工
草書元好問中州集云越王長子宗室中第一流人
也樂善好賢風流蘊藉有承平時王孫故態所居有
樗軒自號樗軒老人圍城中以疾薨年六十一其題
梁臺詩云泝水悠悠蔡水來秋風古道野花開行人
驚起田家雉飛上梁王鼓吹臺自題寫真云枯木寒
灰久亦神因緣來現昨公身只緣酷愛東坡老人道
前身趙德麟樗軒嘗封昨國公故云時開封趙滋字
濟甫畫入能品詩學亦有功題黃石廟等最工以布
衣從昨公游商畧法書名畫以真賞稱焉後沒於東
平年五與趙秉文楊雲翼等交南遷時盡載法書名
十九

畫以從所著有如菴小藁第五子守禧字慶之風神
秀徹特所鍾愛平日所蓄書畫盡付之及泚城降年
未三十病卒 永韜同母弟潞王永德章宗時慫勸
農使宣宗興定五年判大睦親府卒子鄂倫致異續
通考作

金史紀事本末

卷三十六

九

幹論改

異母弟豫王永成本名哈雅

原作鶴野

章宗時歷

官判咸平太原平陽府事泰和四年卒諡忠獻

攷異續通

考云永成所著有樂善居士文集

夔王永升本名錫

其子瑋

本名仁壽瑋本名仁安

卜察原作斜不出攷異汪輝祖金史同名錄云本名

耶魯瓦羣牧使本名吾都不見溫迪罕蒲賭傳卷一百二十二宣宗時鄭州元帥姓紇石烈氏三人同名

鶴章宗時歷宣武節度使宣宗貞祐元年卒

攷異續通考云

其子進本名權觀又世宗孫有吾觀補者大定十九

年封溫國公不知誰是按宗室表世宗子永中封鎬

王蘇尼原作孰輦封趙王薩嚙勒原作斜魯封越王

永升本名錫卜察定武節度夔王永成本名羅索豫王

名恩楚判大睦親府潞王與顯宗衛紹王凡十人

金史紀事本末卷三十六

金史紀事本末卷三十七

賤封資政大夫 特賞內閣中書前江西峽江訓導萍鄉李有榮編纂

布薩揆侵宋更盟

章宗明昌元年春正月丙辰朔宋試戶部尙書郭德

麟宜州觀察使蔡錫賀正旦

致異章宗紀繫之去年十二月以世宗喪正旦

不受賀且未列使名今從交聘表以下同

秋七月己巳遣禮部尙書王

脩等賀宋生日八月己酉宋使賀天壽節

正使爲顯謨閣學士

邱密副使福州觀察使蔡必勝

冬十一月乙卯遣簽書樞密事巴達

爾呼等賀宋正旦

二年春正月庚戌朔宋試吏部尙書蘇山潭州觀察

使劉詢賀正旦 辛酉孝懿太后崩丙寅遣左副都

點檢尙等報哀於宋 三月丁丑宋使來弔祭正使爲試

禮部尙書宋之瑞副使嚴州觀察使 秋七月己巳

遣同簽大睦親府事兗等賀宋生日八月乙巳宋使

賀天壽節正使爲試戶部尙書趙雍副使婺州觀察使田皋 冬十一月丁巳

遣幽王傅宗璧等賀宋正旦

三年春正月乙巳朔宋煥章閣學士黃申明州觀察

使張宗益賀正旦攷異章宗紀繫之去年十二月以太后喪正旦不受賀且未列使名

同下 秋七月辛卯遣都點檢布薩端等賀宋生日八

月丁卯宋使賀天壽節正使爲工部尙書錢之望副使廣州觀察使楊大節 冬

十一月戊寅遣右副都點檢溫都忠等賀宋正旦

四年春正月己巳朔宋顯謨閣學士鄭汝諧均州觀

察使譙令賀正旦秋七月己丑遣御史中丞董師中

等賀宋生日九月甲子朔宋使賀天壽節

攷異交聘表繫之八

月辛酉正使爲吏部尙書許及之副使明州觀察使蔣介

冬十一月戊寅遣翰林

直學士完顏匡等賀宋正旦

命匡權易名彌以避宋諱故也

五年春正月癸亥朔宋使賀正旦

正使爲翰林學士倪思副使知閣門

事王知新

夏六月戊戌宋孝宗崩秋七月甲子光宗遜位

寧宗立九月戊午朔宋使賀天壽節

攷異交聘表繫之八月乙卯正

使爲試工部尙書梁總副使明州觀察使戴勳

壬申宋使來告哀

正使爲顯謨閣學士

金史紀事本末

卷三十七

二

薛叔似副使廣州觀察使謝淵 戊寅遣知大興府事尼瑪哈鑑等使

宋弔祭冬十月庚寅宋使獻遺留物 正使爲戶部尙書林湜副使泉

州觀察使游蒸 閏月戊午朔宋使告卽位 正使爲翰林學士鄭湜副使廣州觀

察使范仲任 甲戌遣河東南北提刑使王啟往賀 副使爲廣威將

軍舒穆 十一月庚子遣右宣徽使伊喇敏賀宋正旦

副使爲山東東路轉運使高世忠

六年春正月丁亥朔宋使賀正旦 使者爲試禮部二尙書曾三復

月癸未宋使來報謝 正使爲煥章閣學士林季友副使明州觀察使郭正己 秋

八月辛未遣吏部尙書吳鼎樞等賀宋生日九月壬

午朔宋使賀天壽節 攷異交聘表繫之八月己卯正使爲試吏部尙書汪義端副使

福州觀察使韓侂胄冬十一月丙申遣刑部尙書赫舍哩貞賀

宋正旦

承安元年春正月辛巳朔宋使賀正旦

正使爲翰林學士黃艾副

使均州觀察

秋九月丁丑朔宋使賀天壽節

致異交聘表繫

使柳正一之八月甲戌正使爲試工部尙書

吳宗旦副使湖州觀察使張卓 癸未遣吏部尙書

張嗣等賀宋生日冬十一月甲午遣陝西統軍使崇

道等賀宋正旦

二年春正月乙亥朔宋使賀正旦

正使爲煥章閣學士張貴謨副使嚴

州觀察使郭倪辛丑宋遣使告母后哀

正使爲試禮部尙書趙介副使利州觀察

使朱龜年致異章宗紀及

交聘表均未書遣使弔祭秋九月辛丑朔宋使賀天

壽節

致異交聘表繫之八月戊戌正使爲試工部尚書衛涇副使泉州觀察使陳奕

丁未遣

知歸德府事完顏愈等賀宋生日

三年春正月己亥朔越辛丑宋使來賀正旦

正使爲煥章閣

學士曾炎副使鄂州觀察使鄭挺

乙丑宋遣使告祖母后哀

正使爲試禮部

尚書趙介副使利州觀察使朱龜

年二月辛巳遣都指揮使烏凌阿天

益等使宋弔祭

致異交聘表未書今從紀

秋八月癸未宋遣使報

謝正使爲試刑部尚書湯碩

九月丙申朔宋使賀天

壽節

正使爲顯謨閣學士楊王休副使利州觀察使李安禮

遣中都都轉運使

孫鐸等賀宋生日冬十一月丁未遣太常卿楊庭筠

等賀宋正旦

四年春正月癸巳朔宋使賀正旦

正使爲工部尙書馬覺副使廣州觀

察使秋九月庚寅朔宋使賀天壽節

攷異交聘表繫之八月己丑正

使爲試工部尙書李大性

副使泉州觀察使金湯楫己未遣知東平府事布薩

琦等賀宋生日冬十一月甲寅遣知濟南府事范楫

等賀宋正旦

五年春正月戊子朔宋使賀正旦

正使爲煥章閣學士朱致知副使福

州觀察使李師摯

秋九月甲寅朔宋使賀天壽節

攷異交聘表繫之八

月壬子正使爲戶部尙書趙善

冬十月庚子宋使告

義副使鄂州觀察使厲仲祥

母后哀攷異交聘表正使爲試刑部尙書吳玠副使

利州觀察使林可大十一月乙卯遣工部尙書烏庫哩誼使宋弔

祭章宗紀均未書十一月己巳宋復遣使告哀

按光

宗以八月辛卯崩至是始告哀正使爲煥章
閣學士李寅仲副使福州觀察使張良顯

辛未遣

右副點檢赫舍哩忠定賀宋正旦十二月癸未朔遣

河南統軍使充等使宋弔祭

泰和元年春正月壬子朔宋使賀正旦

正使爲實謨閣學士林檨

副使利州觀察使王康成壬戌宋使獻先帝遺留物

正使爲試工部尙書丁常

任副使嚴州觀察使郭倓

三月乙亥宋使報謝

正使爲試刑部尙書虞傳副使泉州

觀察使張仲舒

秋八月丙申宋復遣使謝

正使爲試戶部尙書俞烈副使福州

觀察使李言

九月戊申朔宋使賀天壽節

攷異交聘表繫之八月丙申正

使爲試吏部尙書陳宗召副使廣州觀察使竇夔

遣右宣徽使圖克坦懷忠

等賀宋生日冬十一月庚申遣右衛將軍赫舍哩齊

勤等賀宋正旦

二年春正月丁未朔宋使賀正旦

正使爲煥章閣學士李景和副使福

州觀察使

秋九月壬寅朔宋使賀天壽節

攷異交聘表繫之入

陳有功 月庚子正使爲試工部尙書趙

甲寅遣都指揮使完

顏瑋等賀宋生日

攷異交聘表繫之入

冬十二月癸

酉遣武安節度使圖克坦公弼等賀宋正旦

三年春正月辛未朔宋使賀正旦

正使爲試吏部尙書魯館副使利州

觀察使

秋九月丙寅朔宋使賀天壽節

攷異交聘表

王處久 未繫月疑有脫誤正使爲試禮部

壬申遣刑部尙書

承暉等賀宋生日冬十一月辛未遣簽樞密院事通

吉思忠等賀宋正旦

時奉御完顏阿魯岱使宋還言宋權臣韓侂胄市馬厲兵將謀

北侵帝怒其生事答五十貶官及淮平陷擢安國節度副使見章宗紀

四年春正月乙丑朔宋使賀正旦

正使爲試吏部尙書張孝曾副使容

州觀察使林伯成丁丑孝曾回至慶都縣卒遣防禦使鈕祜祿充敕祭使贈絹布各二百二十疋館伴張雲護喪歸攷異章宗紀

鈕祜祿作努色爾原作女奚列秋八月乙卯遣知真定

府事完顏昌等賀宋生日九月庚申朔宋使賀天壽

節 攷異交聘表繫之八月癸丑正使爲試禮部尙書張嗣古副使廣州觀察使陳煥冬十一

月丁卯遣右副都檢點烏凌阿毅等賀宋正旦 攷異交聘

表癸未寶雞郡縣諸社被宋抄掠紀未載

五年春正月己未朔宋使賀正旦 攷異交聘表正使爲試吏部尙書鄧

友龍利州觀察使皇甫斌庚申宋兵入遂平縣縱掠
出獄囚火官舍害令尉而去二月己酉掠泌陽剽巡
檢家貲害其家人紀未載薛應旂通鑑云甯宗嘉泰
三年冬鄧友龍使金有賂驛使求見者具言金爲韃
鞨所困饑饉連年民不聊生王師若來勢若拉朽友
龍歸告韓侂胄上倡兵之書北伐議遂起時金國多
難懼朝廷乘其隙沿邊聚糧增戍且禁襄陽權場邊
粵之開自此始續綱目云三年七月造戰艦八月增
置襄陽騎軍等又置激浦水軍四年正月定議伐金
金爲北鄙軍布等部所擾無歲不與師討伐兵連禍
結國勢日弱有勸侂胄立蓋世功名以自固者遂聚
財募卒出封樁庫黃金萬兩以待賞功名吳曦練兵
西蜀安豐守臣厲仲方言淮北流民咸願歸附浙江
安撫使辛棄疾入見言國必亡願屬元老備兵爲
緩急計鄭挺鄧友龍附和其說用師之意益銳通鑑
輯覽謂金自明昌末北部哈達錦桑節袞特強擾邊
光嘉喇尤桀驁屢脅諸部入寇卓木布亦叛師老財
匱按哈達錦舊作合底析桑節袞舊作山只昆光嘉
喇舊作廣吉刺卓木布舊作阻鞞卽準布所載稍異
周密齊東野語云長沙鄧友龍嘗從南軒游自詭道

學後爲謝丞相被累出爲淮西漕日夕謀復入時金
方困北兵歲滯饑於是沿邊不逞號賦河子者時時
剽獵事狀陳說利害友龍得之爲奇貨獻於韓兵端
實友龍發之也李心傳朝野雜記云侂胄死從事郎
毛自知降充殿試第五甲仍奪第一人恩例以首論
用兵也潛說友咸淳臨安志云封椿庫在三省大門
丙肇於孝皇之世玉音對輔臣謂叔此備緩急者是
也嘉定七年又分戶部所掌錢物隸本所於是上有
下之別下庫在左藏庫中門內又安邊太平庫在封
椿下庫南左藏庫在清湖橋西以韓世忠所獻賜第
爲三月乙丑宋兵入秦川界辛巳入鞏州來遠鎮唐

州得宋諜言韓侂胄屯兵鄂岳將謀北侵

攻異交聘表三月戊

午朔宋兵焚平氏夏四月癸巳命樞密院移文宋人

鎮掠民財紀未載

攻異交聘表四月庚午宋兵掠鄧州白亭巡檢家貲

依誓約撤新兵毋縱入境

兵掠鄧州白亭巡檢家貲持其印去紀未載宋史及通鑑均不書惟見完顏匡
傳又鞏州來遠鎮及唐州得宋牒均繫之是月與紀

異五月甲子以平章布薩揆爲河南宣撫使籍諸道

兵備宋甲申宋人入漣水縣

攷異大金國志云宋鎮江都統戚拱結弓手李

成焚漣水完顏匡傳宋人入確山界奪民馬宋史李成作李全交聘表甲申楚州安撫使戚拱遣其將高顯以兵五百人破漣水縣未載姓名六月戊子復漣水縣甲寅召諸大

臣問備宋之策皆以設備養惡爲言帝以南北和好

四十餘載民不知兵不忍先發

攷異完顏匡傳時趙之傑承暉孟鑄等皆

謂宋不敢敗盟獨匡日彼置忠義保捷軍取先世開寶天禧紀元豈忘中國者哉參政思忠大理卿烏延議與合又云侂胄嘗再爲國使規知虛實及爲相遂與蘇師旦倡議復仇畢沉積通鑑云據兩朝綱目備要言金北邊聚糧且禁襄陽椎場與宋史同然金主憚於用兵見本紀又完顏匡傳此宋人託爲兵端曲在金耳秋八月辛卯詔罷宣撫司時宋殿帥郭倪濠今不取

州守將田俊邁誘虹縣民蘇貴等爲間河南將臣所
遺謀多受宋賂皆言宋增戍本虞他盜及聞行臺建
亦畏警不敢去備且兵皆白丁饑疫死者什二三由
是中外信之宣撫司以宋三省樞密院及盱眙軍謀
來上又皆鑄點邊臣爲辭揆固請罷司從之

攷異交聘表繫

之五月稍殊

復奏罷臨洮等路新置弓箭手 九月甲申

朔宋使賀天壽節

攷異交聘表繫之閏八月辛巳正使爲試吏部尙書李璧副使廣州

觀察使林仲虎

戊子遣河南統軍使赫舍哩子仁等賀宋生

日紀載是日西北方黑雲間有赤氣如火色次及西南正南東南皆有白氣貫其中至中夜赤氣滿

乃散 更 戊戌宋兵三百攻比陽寺莊

地理志云比陽縣名屬唐州淮

安郡副巡檢阿里哈肆嘉努

原作阿里根寺家奴攷異汪輝祖金史同名錄云卷

十五宣宗興定二年密州同知節度姓夾谷氏卷九十八完顏匡傳世宗時侍正三人同名寺家奴死

之甲辰宋人焚黃澗擄巡檢高顥冬十月丁丑宋人

襲比陽唐州軍事判官索多

原作撒覲

死之十一月乙酉

宋人入內鄉

鄧縣名屬

攻洛南

商縣名屬

之固縣商州司

獄壽祖追至丹河

攷異漢書地理志云丹水出上雒丹城去丹水二百步鄧道元至浙入鈞史記正義云攷

北豕嶺山過縣南又自倉野東歷菟和山東南過商

縣南歷少習出武關東南流入白口南合洧水日漸

口按丹水計經商州境三百二十里經山陽徑十四

里又經商南境二百二十里共五百五十四里出境

源自豕嶺山之息邪澗黑龍峪水自藍田界入焉又

會洪門河蒲盆溝水水道河大荆川西荆川泉水大

小黃川紫峪河盆口河荆川大小桃盆河十九河諸

水餘不具載見劉擊敗之己丑遣太常卿趙之傑等

於義陝西通志賀宗正旦使贊者犯金主父嫌名以挑之之傑送倨

慢侂胄請帝還內著作郎朱質請斬金使不報詔使

人更以正旦朝見尋因北使倨慢奪館伴使副官是

冬以邱密爲江淮宣撫使辭不拜手書諫北伐不從

密字宗卿江陰軍人官樞府諡忠定命辛棄疾安撫

兩浙進樞密承旨辛棄疾長沙人豪爽尙氣節喜功

名時亦爲侂胄所用元好問中州集之傑字伯英大

定人本名宗傑避諱改大定十六年進士仕終太常

卿使宋還言事云宋人文敏之極且脆弱不足憂邊

部爲可慮也其前識如此子繪名進士早卒孫季卿

今在燕中史未載顧奎光金詩選載之傑題洛源龍

潭寺詩一首

十二月宋吳曦擁衆興元欲窺關隴皇甫斌

擾淮北

六年春正月癸未朔宋使賀正旦

正使爲試刑部尙書陳景俊副使知

閣門事

丁亥宋使陳克俊朝辭諭曰大定初世宗皇

帝許宋世爲姪國朕遵守遺法和好至今豈意爾國

屢有盜賊犯我邊境故遣大臣宣諭河南及得爾國

公移已點邊臣抽去戍卒朕不介意小嫌遂罷宣撫

比來羣臣屢以爾國淪盟爲言朕惟和好歲久委曲

涵容恐姪宋皇帝或未詳知若依前不息朕雖兼愛

生靈事難終已卿等歸國當具言之

攷異續綱目云景俊還以告陳

自強自強戒勿言由是用兵益決

三月己酉宋人攻靈璧南京按察

使行部至縣匿民舍得免夏四月丙辰宋人圍壽春

防禦使賢聖努擊卻之統軍使赫舍哩子仁遣嚴整

等覘敵還言皇甫斌聚兵規取唐鄧以降人田元張

貞張勝爲鄉導乃請以南京副留守赫舍哩毅及副

統軍圖克坦鐸分統諸軍而自以兵駐汴防守從之

攷異大金國志云是時汴京留守爲完顏童奏報始知紀未載 丙寅詔平章布薩

揆領行省於汴便宜從事以赫舍哩執中爲都統完

顏薩喇原作撒刺攷異汪輝祖金史同名錄云卷十

泰和五年翰林修撰三人同名撒刺爲副統盡徵諸道兵復以完顏充

爲陝西五路都統語詳規取隴蜀事中 丁丑宋人

入新息縣名屬息州內鄉及泗州虹縣潁上續通考云息州唐後改新

息金升爲州以新息爲倚郭割真陽褒信新蔡隸焉泗州唐改臨淮郡後仍舊金置權場頌淮平臨淮隴

甯淮濱四縣攻吳宋史甯宗紀云時鎮江都統制陳
孝慶復泗州江州都統制許進復新息光州忠義人
孫成復寔信陳孝慶復虹縣大金國志陳孝慶作陳
孝廣通鑑輯覽云郭侃遣兵復泗州時畢再遇爲先
鋒功第一再遇尅期進聞金已有備乃先一日出其
不意舊有二城乃僞爲攻西城狀逕趣東城先登克
之殺金兵數百西城亦降所載互異續綱目云侂冑
聞捷乃降詔伐金畧曰天道好還中國有必伸之理
人心効順匹夫無不報之仇軍入塞而猶肆創殘使
來庭而敢爲桀驁泊行李之繼遣復慢詞之見加含
垢納汚在人情而已極聲罪致討值胡運之將傾兵
出有名師直爲壯言乎遠言乎近孰無忠義之心爲
人子爲人臣當念祖宗之憤直學士院李壁詞也壁
字季章眉州丹稜人熹子李心傳朝野雜記云侂冑
舉兵先以葉正則適值學士院使草出師詔再三
辭又欲命魯鴻父漸亦辭乃命壁爲之所載甚詳五
月壬午宋李爽圍壽州田俊邁入蘄縣屬宿

蔡州防禦使完顏佛珠

原作佛住

敗之入金城海口殺長

山尉執二巡檢去

攻異薛應旂通鑑云時建康都統李爽攻壽州兵敗江州都統王大

節攻蔡州亦不克而潰宋史竄宗紀云大節兵潰除名袁州安置尋徙封州史未載大節事

丙

戊以出師告於天地太廟戊子命平章揆兼左副元

帥完顏匡爲右副元帥陝西都統充爲右監軍烏庫

哩毅爲左都監癸巳宋田俊邁率步騎二萬攻宿州

安國

軍名卽邢州

節度副使納喇邦烈與同知防禦使穆

延薩克達逆擊敗之邦烈中流矢宋郭倬李汝翼以

衆五萬繼至遂圍宿州會霖雨邦烈遣騎潛出敵後

擊敗之薩克達率騎蹂之殺傷數千人敵復聞援軍

將至遂夜遁黎明踵擊追至蘄

州名攻異輿地廣記云春秋屬楚秦屬九

江郡二漢屬江夏郡吳置蕪春郡北齊置雍州後周
日蕪州今縣五蕪春蕪水羅田廣濟黃梅續通考云
唐後改蕪春郡後仍舊宋爲防禦執田俊邁攷異宋
州明隸黃州府領廣濟黃梅二縣還至蕪金人追而圍
紀云郭倪遣郭倬等攻宿州敗還至蕪金人追而圍
之倬執統制田俊邁以與金人乃得免續綱目及薛
應旗通鑑倬外尚有李汝翼岳珂程史云王師始渡
淮李汝翼以騎帥郭倬以池田俊邁以濠分三軍並
趨符離圍之虜守欲迎降忠義已內薄而登我軍反
嫉其功自下射之顛守陴者曰是一家人猶爾我輩
安得脫復爲備餉爲敵焚三將無覺者居數日而士
不樂矣初取泗居一月之宿州汝翼至營於積水卑
窪處爲水淹軍饑遂先潰二將亦掃營去改塗自蕪
入城而敵已至我軍幾殲大酋僕撒孛莖使謂汝翼
執俊邁歸我可全師不敢應提轄余永甯告倬遂執
之與敵敵啟門出二將猶勸其後騎倬爲招撫倪弟
底弗究事聞命大理正喬夢符置獄京口杖永甯脊
斷流海島倬弟僕妄訴於平原喬復至獄具永甯磔
死倬棄市從者置極典汝翼竄瓊州籍其家俊邁家
賜宅予官倪等以怯懦謫南康嘉定中與僕俱流嶺

南沒入賞產倬之罪不及汝翼其帥九江刻剝無藝
日課軍士貧者履一雙人呼李草鞋既敗猶取馬司

五萬緡歸其家倪倬僕皆浩孫甲辰宋皇甫斌攻唐

世將家寵利盈溢隕其家聲卷一作兀屯官左監軍有傳攻異

州刺史烏克遜鄂屯唐縣名屬副巡檢納哈塔軍勝

屯另拒之人行省遣泌陽唐州人時皇甫斌步騎萬人攻唐州

來援遂敗之攻異烏克遜溫屯傳原作烏古孫兀屯

遣泌陽尉博碩布巡檢布希拒守另遣判官薩克達

襲宋營敗之殺數千百人宋兵亂遁去及斌復來攻

與軍勝合擊伏兵發宋兵爲二遂大潰至湖陽斬六

首萬級又敗其別將於竹林寺手殺之所載較詳六
月辛亥朔宋李爽圍壽州刺史圖克坦羆拒守踰月
不能下河南統軍判官奇珠原作乞住及邁珠原作哥等來
援合擊敗之同知軍州事布塔庫原作蒲中流矢死

部曲魏全亦不屈死致異大金國志云時宋李爽侵壽州敗績田林取壽春府宋史

寧宗紀田林庚申右翼都統完顏薩布原作賽不後

省徐州死節致異汪輝祖金史同名錄云卷一百六

高琪傳琪奴卷一百二十二梁持勝傳咸平治中三

人同名敗宋曹統制兵於溱水方輿紀要云在新鄭

名溱水東北流至縣界與洧水合洧水源出密縣境一

陽城山攷異薩布傳宋皇甫斌遺率步騎數萬按遣

字下疑有脫簡考章宗紀秦和六年六月薛應旂通鑑

統制於溱水史佚其名應卽斌所遣也薛應旂通鑑

宋史寧宗紀皆未載此事無可質證姑仍其舊見元

會汾金史攷證續綱目云侂胄以師出無功免鄧友

龍官以邱密爲兩淮宣撫駐揚州密至鎮都署諸將

悉以三衙江上軍分守江淮要害於是王大節李汝

翼皇甫斌李爽等皆坐敗斬郭倬於鎮江

蘇師旦以罪竄韶州籍其家所載甚詳

丁巳詔彰

德府宋韓侂胄祖琦墳毋得損壞仍禁樵採有宋宗

族所居各具以聞長官常加提控 秋七月癸未宋

商榮復攻東海縣令完顏綱森原作卞僧擊敗之還中伏

矢死甲午宋統制戚春以舟師攻邳州刺史完顏從

正敗之春赴水死斬其副夏統制攻異愛實傳原作阿喜宗室子歷同

知歸德節度宋統制劉文儉攻宿遷愛實迎擊破之復破戚春夏興國舟兵萬餘人斬興國於陣遷鎮國

上將軍復渡淮破寶應天長二縣據此則夏統制名興國可補本紀之闕九月戊戌命尙

書左丞布薩端行省於汴 冬十月攻異宋史作八月戊申

朔平章揆分九道侵宋以行省兵三萬出潁壽統軍

使子仁兵三萬出渦口副元帥匡兵二萬五千出唐

鄧左監軍執中兵二萬出清口右監軍充兵一萬出

陳倉右都監貞兵一萬出成紀安撫使綱兵一萬出

臨潭都總管舒穆仲溫

攷異宋史作石抹仲

兵五千出鹽川防

禦使完顏璘

攷異續綱目作璘

兵五千出來遠

方輿紀要云渦

口故城在懷遠縣東北十五里今訛爲菴城清口在淮安府城西今爲清江浦陳倉山在寶雞縣東南四十里成紀縣名屬秦州臨潭城在洮州衛西南七十里鹽川城卽漳縣在鞏昌府南七十里來遠鎮在漳縣西南三十里攷異續通考云清河縣西有清河卽泗水下流源自泰安州經徐州至邳東境曰直河西境曰沙河又南下至清江縣西北三

遣烏庫哩慶壽攻下棗陽完顏江山克光化軍烏克

遜尼敦

原作溫古孫乃屯

攻神馬坡

攷異溫屯傳從匡取棗陽龔神馬坡宋兵五萬

夾水障以強弩拒岸溫屯分兵奪其三橋自辰至午連拔十三寨從攻襄至漢江紀作尼敦異完顏

諸達攻隨州慶壽扼赤岸斷襄漢路宋將雷太尉遁
遂取之匡進圍德安別以兵徇下安陸應城雲夢孝

感漢川荆山等縣遂攻襄陽破其外城芬徹并克宜

城宋史地理志云棗陽縣屬隨州光化軍治乾德縣後改為縣隨州為漢東郡崇信軍縣三德安府名

本安州安遠軍安陸應城雲夢孝感均縣名屬德安

府漢川屬漢陽府荆山屬懷遠軍宜城屬襄陽府汝

異輿地廣記云隨州古隨國秦漢屬南陽郡晉惠置

隨州西魏置并州改隨州唐改漢東郡今升崇義軍

改崇信縣三隨縣唐城東陽郢州晉宋為竟陵郡後

周置石城郡兼置郢州唐後為富水郡今縣二長壽

京山安州漢晉為江夏郡宋分置安陸郡西魏置安
州後唐升安遠軍縣五安陸雲夢應城考城應山按
德安本安州屬縣只少孝感安陸本郢州屬縣鍾祥
即長壽天門即竟陵京山只多潛江續通考云
隨州唐後改漢東郡後仍舊宋為崇信軍又為棗陽
軍元復故領隨縣應山二縣德安府唐初為安州一

名安陸郡宋爲府領安陸孝感應城雲夢四縣漢陽
府唐初爲沔州又改沔陽郡宋爲漢陽軍領漢陽漢
川二縣續綱目云金犯神馬坡江陵副都統魏友諒
突圍奔襄陽招撫使趙涪焚樊城遁金遂破信陽襄
陽隨州進圍德安府大金國志云金
圍德安爲守將李師尹所敗史未載

安豐軍取霍邱縣

均屬壽春府

進次廬江

屬無爲軍續通考云無爲州宗

始以城口鎮置元領無爲廬江巢縣三縣攷異穆延
薩克達傳揆出穎壽薩克達爲中軍副統克安豐軍
戰霍邱花歷功居多軍中號長槍副統續綱目云揆
引兵至淮測入壘灘可涉卽遣奧屯驤揚兵下蔡聲
言欲渡守將何汝勵姚公佐屯兵花歷以備之揆乃
遣發不等宿師渡入壘灘駐南岸官軍遂潰死者無
數遂奪穎目下安豐軍及霍邱入壘灘在壽州西北
淮水旁通鑿輯覽與屯驤作鄂吞襄揆傳作鄂屯驤
去前錄作奧屯襄所載各異襄傳上京路人官北京
守軍使爲宣差提控錫林所害錫林原作習烈
卷六十八徽都傳穆宗諸父子卷一百二十
習烈

壬辰

督師邱密遣劉祐來乞和庚子復遣林拱

表致異交聘
作林拱

辰

持書來議癸卯復遣宋顯等以書幣來獻

致異薛
應旗通

鑑云時金攻淮南日急詔郭杲將兵駐真州以援之

命邱密督覲江淮軍馬或勸棄廬和爲守江計密曰

棄淮則與敵共長江之險吾當

時執中克淮陰屬縣名

與淮南俱存亡益增兵防守

陽州山

陽州山自清河口渡淮遂圍楚州

宋將郭超失利史未

載子仁克定遠縣及滁州徇下來安全椒二縣取真

州定遠屬鳳陽府來安全椒屬滁州真州卽儀徵縣

郡齊置南譙州北齊改臨滁後周曰北譙隋立滁州

唐爲永陽郡縣三清流來安全椒真州分揚州置南

唐以永山縣地置迎鑿鎮今爲建安軍升真州縣二

楊子六合續通考云滁州唐析揚州城置又改永陽

郡後爲滁州周密齊東野語云開禧用兵金元帥紇

石烈子仁領兵據濠梁大書一詞於倅廳壁詞名上

平南卽上西平調云蔓鋒搖螳臂振舊盟寒恃洞定
彭蠡狂瀾天兵小試萬蹄一飲楚江乾捷書飛上九
重天春滿長安舜山川周禮樂唐日月漢衣冠洗五
州妖氣關山已平全蜀風行何用一泥丸有人傳喜
日邊都時宋眞州兵數萬保河橋子仁分軍涉淺潛
護先還

出敵後敵大驚不戰而潰斬首二萬餘級生擒其將

劉挺常思敬蕭從德莫子容皆驍將也攷異宋史紀事本末云子

仁入眞州士民奔逃渡江者十餘萬知鎮江府宇文

紹節亟具舟以濟又廩食之自是淮西郡縣皆陷史

未載十二月丁未朔揆攻和州薩克達中流矢死攷

宋史甯宗紀作十一月云敵騎萬五千駐六合縣名屬眞

州建安軍揆以右翼掩擊斬首八千級進屯瓦梁河以控

眞揚諸路之衝整步騎列旗幟沿江上下江表大震

邱宓復遣陳璧等奉書乞和

攷異宋史紀事本末云是月金攻六合郭俱敗

於胥浦橋倪棄揚州走魏友諒潰於花泉走江陵時
揆欲通和罷兵有韓元覲者琦五世孫揆遣渡淮宓
獲之佯詰其由始露講解意仍使北歸得金行省文
字聞於朝侂胥許之遂遣陳璧往王文繼之具言用
兵乃蘇師旦鄧友龍皇甫斌所爲今皆旣揆猶以侂
胥爲詞因許還其淮北流移人及今年歲幣始允和
退屯下蔡按交聘表韓元覲作韓元靖稍異薛應旂
通鑑云冬以畢再遇權山東京東招撫司時諸將皆
敗唯再遇數有功金常以水櫃取勝再遇夜縛藁人
數千被甲執旗儼立成行味爽鳴鼓敵驚放水櫃後
知其非兵甚沮進攻金大敗又嘗以香料煮豆誘敵
馬就食佯敗反攻死者無計再遇字德卿兗州人史
未載又紀載是年五月甲申太白晝見六月辛未木
星晝見未幾經天八月辛亥木星晨見己未太白晝
見尋經天九月乙酉將五鼓北方有赤白
氣數道起王良下至北斗開陽搖光東

是歲吳

曦叛宋來降封蜀王

攷異宋史寧宗紀云吳曦始自稱蜀王

七年春正月丁丑朔完顏匡攻襄陽遂取穀城乙酉

贈故壽州死節軍士魏全宣武將軍庚寅行省揆還

駐下蔡

縣名屬壽春府

時宋復遣陳璧來揆卻之宋人乃決

巨勝成公

在揚州府西五十里

雷垞

在揚州府西北十五里攷

異續通考云雷垞在揚州

府城北十里一名雷陂唐長史李襲譽引渠水溉田又有得勝湖在興化縣東十里宋張榮賈虎敗金人

於此渚積水爲阻盡焚其廬舍儲積過江遁揆以方

春地溼欲休養士馬乃振旅還軍遂有疾以左丞相

宗浩兼都元帥代之

攷異章宗紀作崇浩今從本傳

二月丁巳宋

知樞密院張巖遣方信孺以書詣行省議和

攷異續綱目云

密言金欲和宜移書成前議且暫免促曹繫銜遂罷以張巖代促曹募人使金信孺自蕭山丞石赴都日

金史紀事本末

卷三十七

六

開釁自我金若問首謀以何詞對侂冑巽然遂往時

葉適兼江淮制置使乞節制江北諸州從之李心傳

朝野雜記云宗卿之罷命由中出執政不之知李季

章在都堂力爭謂宗卿有人望奈何去之侂冑變色

日方今天下只有邱宗卿耶因拂衣起按邱宥之罷

宋史全文及兩朝綱目備要作本年而宋史侂冑傳

作明年疑誤信儒己未完顏匡克荆門州屬荆湖北

字孚若興化軍人

異續通考云荆門州唐爲縣宋升爲軍戊辰左副元

帥揆卒於軍本傳本名臨喜忠義子尙韓國公主官

戰功歷西南招討使築塞九百里還拜參政進平章

封濟國公侵宋屢捷卒謚武肅子安貞尙邢國長公

主次子寘三月庚子以完顏匡爲左副元帥本傳本

壽爲奉御樞副進平章代崇浩總兵封定國公章宗

蘇色累官樞副進平章代崇浩總兵封定國公章宗

崩衛王立專定策功構殺李妃拜尙書令封申王愔

寵自用官以賄成攷異續通考云世祖九世孫宗室

表始祖子幹魯八世孫官太師汪輝祖金史同名錄

云蘇色本作撒速卷六十三壽甯縣主傳海陵時近侍局直宿卷八十七志甯傳世宗時歸德尹姓尤甲氏卷一百一承暉傳從孫奉御四人同名撒速子仁爲右副元帥五月丙

申宋張巖復遣方信孺以書至元帥府增歲幣乞和

致異錢大昕云宋史六月以林拱辰爲通謝使遣富瑄告謝太后哀劉彌正賀生辰交聘表均未書蓋其

時以和議未成不得達也秋八月戊申方信孺復齋其主誓書藁

來及所承鈞旨仰見以生靈休息爲重曲示包容矜軫之意聞命踴躍私竊自喜卽具奏聞備述大金皇帝天覆地載之仁與都元帥海涵春育之德旋奉上

旨亟遣信使通謝宸庭仍先令信孺再詣行省以請定議區區之愚實恃高明必蒙洞照重布本末幸垂

聽焉又言合遣人使接續津發已具公移企望取接伏冀鑒其至再至三之誠亟踐請盟之諾卽底於成

感戴恩德永永無極誓書副本慮往返遷延就以錄呈金復書畧云方信孺重以書來詳味其辭於請和

之意雖若婉遜而所畫之事猶未悉從惟言當還泗
州等驅掠而已至於責買幣則欲以舊數爲增追叛
亡則欲以橫恩爲例而稱臣割地縛送姦臣之事則
並飾虛說并當如約豈以爲朝廷過求有不可從將
度德量力足以背城借一與我
軍角一日勝負者哉所載較詳
九月甲戌朔都元帥

宗浩卒於軍

本傳係內族昂子字師孟本名老大定時官參政章宗立改北京留守征北有

功擢樞密使封榮國公進左丞相建議築濠塹命督役代揆督師侵宋與宋議和卒諡通敏

冬

十一月丙子宋遣左司郎中王柟以書講和稱伯增

犒軍錢誅蘇師旦函首以獻

攷異薛應旂通鑑云初信孺至濠州子仁下之

獄露刃環守絕薪水要以反俘歸幣縛送首謀自古無之稱割地五事曰反存歸幣可也縛送首謀自古無之稱藩割地非臣子所敢言子仁曰若不望生還耶答曰吾將命出國門已置生死度外矣送至汴辨對不少屈及還更以林拱辰爲通謝使與信孺持國書誓草及許通謝錢百萬緡宗浩仍未允復遣還侂冑問五

事五不敢言固問則曰欲得太師頭耳侂胄大怒貶
三官臨江軍居住凡三使金以口舌折強敵雖未即
和已有成說矣以栴代假官持王辰宋參政錢象祖
善北行栴倫孫也所載較詳

以誅韓侂胄移書行省詔檄宋以侂胄首贖淮南地

致異續綱目云侂胄怒金索首謀復銳意用兵以趙
澶鎮江淮免張巖嚴開督府九月耗縣官錢三百七

十萬緡而無成功禮部侍郎史彌遠請誅侂胄楊后
助之使榮王曦疏奏帝不答后請命其兄次山合謀

彌遠得密旨乃告錢象祖許之遂命夏震統兵擁至
玉津園側殺之下詔暴其罪時十一月乙亥也趙翼

劄記云事見楊后傳而侂胄及李璧二傳均同乃彌
遠傳則謂彌遠與皇子詢先奏罷侂胄官給舍交章

論之乃就誅召彌遠對咸和殿此蓋諱其擅殺之迹
與寧宗紀合潛說友咸淳臨安志云玉津園在嘉會

門外紹興十七年建金使蕭秉溫來賀天申節遂燕
射其中孝宗數臨幸與太子親王以下講燕射禮酒

隄歷元年嘗御製詩以賜云一天秋色破寒煙別築連
金史紀事本末

卷三十七 七

喜氣隨飛羽，嫋嫋淒風入。控弦文武從，來資並用酒。
餘端有侍臣，篇時光宗在東宮。及右丞相曾懷，皆有
賡和刻之石，葉夢得石林燕語云：瓊林苑，金明池，宜
春苑，玉津園，謂之四園。瓊林苑，乾德中置，金明池，在
苑北，以習水戰。後與瓊林均爲游燕之地，宜春院本
秦悼王園，後廢不治。玉津園，則五代之舊，半以種麥。
仲夏駕幸觀刈麥，後惟契丹賜射爲故事。
周淙乾道臨安志云：玉津園在龍山北。

八年春二月乙巳，宋錢象祖復遣王柁來請川陝關

隘。夏四月癸卯日暈，三重皆內黃，外赤，乙未，宋獻

韓侂胄等首於元帥府。五月丁未，御應天門，備黃麾

立仗親王、文武合班起居。平南撫軍上將軍赫舍哩

貞以宋賊臣首獻，并奉露布以聞，懸其首畫像於市。

罷兵丙辰，平章匡至，自軍改元帥府爲樞密院。
攷異薛應

旂通鑑云正月右諫議大夫葉時請梟侂胄首於兩淮以謝天下不報初柎至金請依靖康故事世爲伯姪國增歲幣爲三十萬兩疋犒軍錢三百萬緡並函師旦首獻金主命索侂胄首柎還召百官議倪思謂有傷國體吏部尙書樓鑰謂姦宄已斃之首又何足惜命斲棺取首梟之兩淮仍諭諸路遂以二首付柎送金以易淮陝侵地邵伯溫四朝聞見錄云章良能謂姦宄之首不足惜王介爭之倪思議與章全宋史作樓鑰謂首不足惜而倪思謂有傷國體蓋傳聞之異又云金受侂胄首諡曰忠謬侯史不載鑰字大防鄞縣人潛說友咸淳臨安志云丁卯和議金索首謀函首子之或爲樂府云寶蓮山下韓家府主人飛頭去和虜高九萬吳山絕句云拂曉官來簿錄時未曾吹徹玉參差旁人不忍聽鸚鵡欲向金籠喚太師又開禧中帥臣趙師巽於柳州龍王廟重塑五王像冠旒珪服畢具其中三像一模侂胄二自強三師旦時韓陳猶在台臣攻師旦唯於疏中及師旦論疏可考也

不敢斥韓陳至今未有易之者然師旦論疏可考也

李心傳朝野雜記載有小詩云函首和戎事亦非當時於此息兵機咸陽追復真堪恨那得中原駕六飛

潘永因宋稗類抄云侂冑首宋金乞和時太學諸
生有詩曰自古戎有大權未聞函首可安邊生靈
肝腦空塗地祖父冤仇共戴天晁錯已誅終叛漢於
期未遣尙存燕廟堂自謂萬全策却恐防邊未必然
明年閭門舍人周登出聘金使引南使觀忠謬侯
墓且釋曰忠於爲國謬於爲身詢之乃韓也又錢象
祖嘗諫用兵與侂冑有隙史彌遠因合謀誅之甯宗
不知也都下語曰釋伽佛中間坐羅漢神立兩傍文
殊普賢自鬪象祖打殺師王聞者絕倒周密齊東野
語云彌遠初未有殺侂冑意謀之張鑑曰勢必不
兩立不如殺之彌遠撫几曰君真將種也吾計決矣
時侂冑三夫人滿頭花生辰鑑移庖韓府酣飲至五
鼓周筠告變不聽旣被誅上愕然不信台諫交章論
列三日後猶未悟其死繼乃下詔暴其罪家籍沒至
函首送金謂林大中議亦同倪思主之尤力獨章良
能以爲事關國體抗詞力爭時有題詩於侍從宅者
曰平生只說樓攻媿此媿終身不可攻又云歲幣頓
增三百萬和戎又送一於期無人說與王柁道莫遺
當年冠準知按侂冑任情妄動自取誅儻然雜記所
載趙師翼犬吠乃鄭斗所造以報撻武學生之憤至

許及之屈膝費士寅狗實亦皆撰造醜詆信史不擇
是非而盡紀之何哉又癸辛雜識云王宣子嘗爲太
學博士適一婢有孕而不容於內出之女僧家韓平
原父同鄉無子聞王氏有孕婢在外遂明告而納之
未幾得男卽平原也六月癸酉宋通謝使試禮部尙書許奕福

州觀察使吳衡奉其主書入見甲戌謁謝於衍慶宮

丁酉以左副都點檢顏侃爲宋諭成使禮部侍郎喬
宇副之秋七月戊申宋使朝辭致答通謝書及誓書

於宋八月己丑遣戶部尙書高汝礪等賀宋生日冬

十月辛巳宋使來賀致異交聘表諭成使祇載顏侃
無喬宇名且繫之七月戊申又

書己酉宋戶部尙書鄒應龍泉州觀察使李謙賀天
壽節與紀異宋史甯宗紀六月金遣使來歸大散關
及濠州八月置安邊所九月以和議成諭天下繫年
要錄云是年宋遣曾從龍賀明年正旦聞章宗之喪

改充弔祭使遣宇文紹彭賀卽位金遣裴滿正來告
哀藉察知剛致遺留物又遣使告卽位交聘表失書
又瀛州道古錄云宋與遼金南北通問各設國信使
使至俱置客省司四方館使引進有官押燕有伴使
事不一大半多用詞臣北有燕賓館南有班荆館至
燕京則許遊憫忠慶壽諸利至臨安則伴使借往天
竺燒香次冷泉亭呼猿洞而歸當時紀行之書存於
今者王曾上契丹事富弼奉使錄許亢宗奉使行程
錄洪皓松漠紀聞范成大攬轡錄周輝北轅錄僅寥
寥數卷其宮闕制度猶可藉以考證外如路振乘輅
錄宋敏求入蕃錄范鎮使北錄劉敞使北語錄江德
藻聘北道里記沈括使遼圖抄李罕使遼見聞錄寇
瑊奉使錄王曙戴斗奉使錄王晉使範連鵬舉宣和
使金錄何鑄奉使雜錄雍垚佐隆興奉使審議錄張
棣講和事迹韓元吉金國生辰語錄姚憲乾道奉行
錄余燄使燕錄樓鑰北行日錄富軾奉使語錄間執
不傳又若趙良嗣燕雲奉使錄馬擴茅齋自敘沈括
南歸錄鄭望之靖康奉使錄李若水山西軍前奉使
錄傅雱建炎通問錄范仲熊北紀晁公恣金人敗盟
記雖散見於北盟會編而未必全至若皇華錄南北

歡盟錄南北對鏡圖南北國信記議盟記接判語錄
北朝國信語錄賀正人使例使北錄靖康要盟錄
興通和錄講和錄開禧通和特書通問本末
諸書或僅留其目并作書者姓氏多佚矣

金史紀事本末卷三十七